

《修習止觀坐禪法要》補充講表

◎附表二十七：

- 當知若見無為入正位者，其人終不能發三菩提心。此即定力多故，不見佛性。
- ◆無為入正位者：行者從假入空，一味沈空滯寂，謂此偏真涅槃為入正位，為究竟果位。
- ◆三菩提心：即阿耨多羅三藐三菩提心也。
- 爾時應修從空入假觀，則當諦觀心性雖空……雖無定實，亦有見聞覺知等相差別不同。
- ◆緣對之時：歷緣對境之時。
- ◆猶如幻化雖無定實：緣生無性。見聞覺知等相差別不同：無性緣生。
- 自然流入薩婆若海：薩婆若：指佛智，海比喻佛智之廣大。
- 息二邊分別止：息：不住也。二邊：即指一切對待法言，如空有、我無我、常無常、大小、高下、長短、親疏等，凡對待者皆是。

○諦觀心性非空非假：非真非假；非真即非真空，非假即非妙有，真諦也。

○不壞空假之法：即諸相宛然，空而不空，俗諦也。

○安住大乘，行步平正，其疾如風，自然流入薩婆若海……著如來衣，坐如來座。

◆此引用《法華經》·譬喻品中，等賜大車之譬喻，正喻行人，修圓頓止觀。經云：「其車高廣，眾寶莊校」，乃至「駕以白牛，膚色充潔，形體殊好，有大筋力，行步平正，其疾如風，又多僕從而侍衛之」，此略引耳。大乘即指大白牛車乘，譬實相妙理，豎無初後，橫絕邊涯，即空、即假、即中，具足百界千如，故名大乘。白牛，即喻稱性妙觀，因三諦之理，由妙觀顯，故名駕以白牛，即名大白牛車乘。安住大乘者，無住而住，謂之安住，即任運流入之謂。行步平正者，圓觀即止即觀，即觀即止，定慧不二，七覺調平。

◆其疾如風者，譬圓觀稱性而作，任運入於無功用道，速疾到薩婆若海。

○則以如來莊嚴而自莊嚴，獲得六根清淨，入佛境界。

◆即依體起用，一念相應一念佛。《彌陀疏鈔》云：「託彼名號，顯我自心。」

○《華嚴經》中：「初發心時，便成正覺。」

◆此引經證釋，初發心住菩薩，即能現身百界，八相作佛之義。

◆初發心：已分破無明，分證法身，即圓十住之第一發心住，乃別教初地之法身菩薩。

○《涅槃經》云：「發心畢竟二不別，如是二心前心難。」

◆初發因心時，乃至究竟極果時，二種不別，以初心證法身體，亦能分身作佛，乃至究竟亦不過證法身，亦能分身作佛，此正顯因心與果覺不二。

○即是《大品經》中阿字門，即是《法華經》：即是《涅槃經》中見佛性故住大涅槃。

◆即是大品經中，初阿字門，最後是荼字門，即譬四十二位。

○次明後心證果之相。後心所證境界，則不可知。

◆如二住對初住為後心，三住對二住為後心，所謂初地不知二地事，等覺不知妙覺事。

○行者當知初中後果皆不可思議。

◆初果即初發心住，破一品無明，能分身百界，八相作佛，故不可思議。中果，從二住至十住，乃至經歷行向地等覺四十位，於百千萬億世界，分身作佛，故不可思議，以其能破四十一品無明。後果即妙覺位。

○故新譯《金光明經》云：「前際如來不可思議，中際如來種種莊嚴，後際如來常無破壞。」

◆約六即佛判釋，前際如來：既不修行，又不聞法，雖有佛性，類同於無，即理即如來。中際如來：既能聽經聞法，修福修慧，即是名字乃至分證即之如來。後際如來：即究竟即如來，位雖有三，無不以止觀二心，以辨極果。

○諸佛從心得解脫，心者清淨名無垢。五道鮮潔不受色，有學此者成大道。

◆《維摩詰經》·文殊師利問疾品第五云：「又問：【諸佛解脫，當於何求？

答曰：【當於一切眾生心行中求。】」眾生心行：即心作心是，如四離等。

◆五道鮮潔不受色：五道，即天人地獄畜生餓鬼，修羅即在五道中，包括在內，眾生雖流落於五道，而真如自性仍然清淨鮮潔，不受污色所染。

△一切智、道種智、一切種智

◆《大智度論》卷八十四釋三慧品指出：

(一)一切智：即了知一切諸法總相之智。總相即空相。此智乃聲聞、緣覺之智。

(二)道種智：又作道種慧、道相智，即了知一切諸法別相之智。別相即種種差別之道法。

此智乃菩薩之智。

(三)一切種智：又作一切相智。即通達總相與別相之智，即佛智。

◆天台家認為，此三智為空、假、中三觀所成，即一切智為空觀所成，道種智為假觀所成，一切種智為中觀所成。